

Museo Numismatico Aruba a ser honra cu bishita di 'Muntmeester' di Reino Hulandes un biaha mas

*Semper cu e regresa Aruba e no por
keda sin bishita museo di placa.*

STA. CRUZ -- Pero kende ta un 'Muntmeester' anto? E Muntmeester ta e persona cu e funcion di mas halto den e 'Munthuis' (Mint), Nederlandse Koninklijke Munt. E ta responsabel pa tur trabao di trahamento di placa. Interesante ta cu tur Muntmeester tin su mes un signatura cu ta respresenta su number. Actualmente e Muntmeester di Reino ta : Maarten Brouwer y su signatura ta un belero, e belanan cu tin riba zeilboot. E marca aki ta personal di su persona y ta ser poni riba tur moneda den reino. Si bo tin interes bo por busca e mintmark banda robez di nos escudo riba nos monedanan. Muntmeester Maarten Brouwer a cumenza pone su mes marca riba moneda desde 2003 aunke cu e tabata waarnemend Muntmeester desde 2002. E bishita di personahe di Muntmeester ta hopi importante pa un Numismatico y pesey nos ta orguyoso di ricibi su bishita cada biaha cu e bin Aruba. Muntmeester Maarten Brouwer atrobe tabata hopi orguyoso cu den reino Hulandes tin un coleccion

di placa di e magnitud aki y e ta compronde y admira e coleccion cu nos tin na Aruba. Pa duna bo un impresion di nos museo mester bisa cu na Hulanda mes tambe tin un museo pero nan ta specialisa den nan propio monedanan Hulandes y su historia.



Museo Numismatico Aruba ta trata cu placa di henter mundo y di tur epoca, algo

fasinante ora cu bo realiza kico esaki berdaderamente ta significa pa nos pais

asina chikito. Muntmeester Maarten Brouwer, 'bon bini' op Aruba.